



*15 September 2020*

Johanes 10:7-10



AKU E PINTUN



“Aku kap pintu.” Nina Jesus i bas IA njagai biri-biri Dibata. Pintu e me jadi pembatas si nerapken biri-biri e ras sekelewetna, bagepe jadi sada penghubung biri-biri e ras sekelewetna ka. Perkatan Jesus e jadi tangkas maka i bas kandang IA si engkawali biri-biri, la banci bengket musuh ku bas kandang e sabap Jesus pintu e. Sisi si deban arah Jesus me maka banci biri-biri e ndarat bas kandang nari bengket ku mbalmbal si meratah. I je melala rubia-rubia si deban si banci ijumpaina. Tapi Jesus tetap si engkawalisa maka amin pe i bas mbalmbal tetap aman. Bageme tiap wari Jesus nemani ras engkawali biri-biri e.

Biri-biri eme kalak Kristen eme kita kerina si tek man baNa. Kita iserapken Tuhan Jesus bas doni si gelap nari, ijagaiNa ras ikawaliNa kita seh maka terkelin i bas musuh-musuhta nari. Tapi labo lalap kita i bas ingan si aman e, lit paksana kita ndarat i je nari, jumpa ras jelma si enterem, ersada ras sekelewetta. Saja teridah min maka kita kalak Kristen, subuk bas perukuren, pengerana ras pendahinta. Perlu si antusi maka ieteh kita kalak Kristen adi ersada kita ras kalak si deban si non Kristen. I je me teridah buah kinitekenta, murah arih-arih, nggit kerjasama, nggit nampati amin pe si isampati kita e non Kristen. La murah megelut, lanai kita ndarami untung man banta saja. Si perlu igelem amin kita i bas karang entah esada ras sekelewetta, Jesus tetap jadi pintu si engkawali ras si ngarak-ngarak kita. I japa pe ras kai pe si ilakoken kita tetap i bas gelar Jesus. Emaka amin ndarat pe kita i bas pintun e nari jumpa ras kalak sideban i bas erbage kecibalna, naksiken kegeluhen i bas mbal-mbal si iingani kita, tetap ingetlah mulih ku karang, bengket arah pintun e gelah kita ijaga kawaliNa i bas erbage mara nari.

 Ndarat ras bengket ku karang, tetapliah arah pintun e